



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
OPĆINA CENTAR SARAJEVO  
OPĆINSKI NAČELNIK

---

Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), člana 25. Statuta Općine Centar Sarajevo- prečišćen tekst („Službene novine Kantona Sarajevo“ br. 23/04), Općinski načelnik objavljuje

**JAVNI POZIV**  
**Privrednim subjektima za besplatno**  
**iznajmljivanje prostora za održavanje vjenčanja u Općini Centar Sarajevo**

Pozivate se da dostavite ponudu za besplatno iznajmljivanje prostora za održavanje vjenčanja u Općini Centar Sarajevo.

**I PREDMET POZIVA**

- a) Predmet Javnog poziva je prikupljanje ponuda za besplatno iznajmljivanje adekvatnog prostora za održavanje vjenčanja u Općini Centar Sarajevo.  
b) Pojam privredni subjekti podrazumijeva fizička i pravna lica, koja trajno obavljaju ugostiteljsku djelatnost radi ostvarivanja dohotka odnosno dobiti.

**II OBAVEZNI USLOVI PROSTORA**

Ponuđač mora ispuniti sljedeće uslove u pogledu prostora koji je predmet poziva:

- Prostor mora biti na području Općine Centar;
- Posjedovanje sale adekvatne za održavanje vjenčanja kapaciteta između 70-90 mjesta, kino postavke cca 100 m<sup>2</sup> sa dnevnom svjetlošću;
- Sala za vjenčanja treba da ima dva izlaza odnosno mogućnost ulaska i izlaska na različitim mjestima;
- Adekvatno ozvučenje i ostalu tehničku opremu potrebnu za čin vjenčanja;
- Mogućnost korištenja sale u neradne dane i poslije 16,00 sati;
- Parking prostor minimalno 25 mjesta.

**III MJESTO I NAČIN PODNOŠENJA PONUDE**

Ponuđač dostavlja ponudu u originalu i podnosi je u zatvorenoj koverti. Ponude se predaju na protokol Općine Centar Sarajevo ili putem pošte, u zatvorenoj koverti na kojoj, na prednjoj strani koverte, mora biti navedeno:

**Naziv:** Općina Centar Sarajevo

**Adresa:** Ulica Mis Irbina 1, 71000 Sarajevo

**Na koverti obavezno naglasiti:** „Ponuda za besplatno pružanje usluge korištenja prostora za održavanje vjenčanja u Općini Centar Sarajevo“ **„NE OTVARAJ“**

**Na poledini koverte obavezno se navodi:** naziv podnosioca ponude, adresa i kontakt telefon, te se ovjerava pečatom.

Ponuda, bez obzira na način dostavljanja, mora biti zaprimljena u Općini Centar Sarajevo do datuma, vremena i adresi navedenoj u javnom pozivu. Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču. Ponuda se čvrsto uvezuje na način da se onemogući naknadno vađenje ili umetanje listova. Stranice ponude se označavaju brojem na način da je vidljiv redni broj stranice.

## **V ROK ZA PODNOŠENJE PONUDA NA JAVNI POZIV**

**Rok za dostavljanje ponuda je 3 (tri) dana od dana objave Javnog poziva na web stranici općine Centar Sarajevo.** Prijave primljene nakon isteka roka neće biti uzete u razmatranje.

## **VI USLOVI ZA UČEŠĆE**

### **Opšta dokumentacija:**

- a) Rješenje o upisu u sudski registar ili u registar samostalnih djelatnosti;
- b) Porezni ili identifikacijski broj,
- c) Izjava o ispunjavanju uslova iz tačke II od a) do f)

## **VII OSTALE ODREDBE**

U postupku po Javnom pozivu Općina Centar Sarajevo ne snosi nikakve troškove učesnika Javnog poziva, te zadržava pravo da poništi Javni poziv, ili da odbaci sve ponude, u bilo koje vrijeme prije zaključenja ugovora. Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja. Podnosiocu ponude koja udovoljava formalno- pravnim uslovima iz Javnog poziva, a koji bude odbijen zbog manje ocjenjene ponude na njegov pismeni zahtjev, Općina Centar će obrazložiti razloge zbog kojih isti nije odabran. Prispjela dokumentacija se ne vraća podnosiocu ponude. Sve dodatne informacije vezane za Javni poziv mogu se dobiti svakim radnim danom putem telefona: 033/562-300.

OPĆINSKI NAČELNIK

Prof.dr. Nedžad Ajnadžić